

حقوقی بیلگیلر مجموعه سی

هر آياك اون بيشده نشر اولتور

محکمہ تمیز جزا ہیئت عمومی سندھ :

عدد

۴۶ اساس

۵۲ قرار

خلاصہ : اعادہ حقوق ممنوعہ قرار لینک جزا قانونک موقع سرعیتہ وضعہ دائر قانونک اوتوز سکرنجی مادہسی موجبہ آغیر جزا دعوالرئی رؤیتہ مکلف اصلہ محکمہسی ریاستنجه اتخاذ ایدلسی لازمکلوپ جزا قانونک یوزیکرمی دردنجی مادہسنہ نظراً محکمہ ہیئتنجه بوبایدہ اتخاذ قرار اولماسی ایجاب ایتمز.

الغیرز آغیر جزا محکمہسندن اخیراً صادر اولان ۷ کانون ثانی ۹۲۸ تاریخ ۱۲۲ اساس نومرولو قرارک تمیزاً تدقیق محلی مدعی عمومیلکسندن استدعا واوراق متفرعسی باش مدعی عمومیلک مأموریت علیہسنہ ۶ شباط ۹۲۸ تاریخ و «۶۷۸» نومرولو تبلیغنامہسیلہ تاریخ مذکورده محکمہ تمیز ریاست دائرہسنہ تودیع قلمغله عائد اولدینی جزا ہیئت عمومی سندھ بالتدقیق حکم اخیر مذکورک اصراری متضمن بولندینی متفقاً تحت قرارہ آلدقندن و تمیز استدعا نامہسنک مدت قانونیہسی ظرفندہ اعطا وقیدی اجرا قلدینی اکلایشلدقندن صکرہ بالقبول واوراق دعوی مطالعہ اولندی .

محکمہ ضبطنامہسنک خلاصہسی : اوچوز اوتوز بش سنہسی ظرفندہ ارزنجانی محفوظ بکک کیفیت قتلندن دولایی ارضروم جنایت محکمہسنجه صورت قطعیدہ اوچ سنہ کورک جزاسنہ محکوم اولهرق ثلثان مدت جزائیہسنی بالاکال ۱۴ کانون ثانی ۳۳۷ تاریخندہ تخلیه ایدلدیکسندن و تاریخ مذکوردن بوتاریخہ دکین ایکی سنہسنی الغیرزک سیراوشاغی قریہسنده ومتباقیسنی الغیرز مرکزنده امرار وبوبایدہ مقتضی شرائط سائرہ قانونیہی ایفا ایدلدیکسندن بمحلہ محکومیت مذکورہ علاوہ ترتیب ایدیلن حقوق ممنوعہنک رفع وازالہسی الغیرزده مقیم ژاندارمه بلوک قوماندانلغندن متقاعد عزت افندی طرفندن استدعا قلمسی اوزرینہ بالحا کہ شرائط لازمہ قانونیہی اکیال ایتدیکسندن دولایی استدعای واقعک ترویجنہ محل اولمادیغنه دائر الغیرز محکمہ اصلہسندن مقدما صادر اولان قرارک محلی مدعی عمومیلکی ایله محکوم علیہ طرفلرندن واقع تمیز دعوی اوزرینہ بالتدقیق وظیفہ نقطہسندن نقض ایله محلہ اعادہ و نقض واقع دائرہسنده محاکمہ اجراسی ضمنتده اوراقلک الغیرز آغیر جزا محکمہسنہ تودیع قلمش اولسنہ مبنی نقض واقعہ تبعاً جریان

ایدن محاکمه ده جزا قانونک موقع مرعیته وضعه متدائر اولان قانونک اوتوز سکزنجی ماده سنده اعاده حقوق ممنوعه قرارلرینک اغیر جزا دعوالرینی رؤیتله مکلف اصلیه محکمه سی ریاستجه اتخاذ ایدیله جکی وتورک جزا قانونک یوز یکریمی دردنجی ماده سنده ده بوکی قرارلرک محکمه جه اتخاذ قلمه جنی مصرح اولوب هر نه قدر هر ایکی قانون عین تاریخ ده موقع مرعیته وضع اولمش ایسه ده جزا قانونک تاریخ نشری مقدم وتطبیقات قانونک مؤخر اولمسنه ومقدم نشر اولان بر قانون مؤخر نشر ایدیلن دیگر بر قانونله تعارض ایتدیکی تقدیرده مؤخر اولان قانونک مقدم نشر اولان قانونی تعدیل والغا ایده جکی احکام اصولیه دن وشو حالده جزا قانونک مذکور یوز یکریمی دردنجی ماده سنده محرر «محکمه» کله سی قانون مذکورک تطبیق حقنده کی قانونک اوتوز سکزنجی ماده سنک رنجی فقره سیله معدل اولسنه واعاده حقوق ممنوعه دعوالرینک مرجع حلی اولان ملغا هیئت اتهامیه لر وظائفک قسماً مقام ریاستدن اتخاذی آمر بولمسنه بناءً دعوانک حلی محکمه نك وظیفه سی خارجنده اولدیغندن سالف الذکر تطبیقات قانونک اوتوز سکزنجی ماده سی موجبجه ایجاب ایدن قرارک اتخاذی ضمننده مقام ریاسته اعطا ایدلک اوزره اوراقک مدعی عمومیلک تودیعنه دائر ویریلن قرارک محلی مدعی عمومیلکندن واقع تمیز دعوی اوزرینه بالتدقیق محلی مدعی عمومیلکنتک استدعاسه عطفاً تبلیغنامه ده قانون جزا نک یوز یکریمی دردنجی ماده سنده مرجع دعوایه متدائر اولان صراحت قطعیه وقانون مذکورک موقع مرعیته وضعه متعلق قانون اخیر ایسه تطبیقاته عائد اولوب حکم قانونی تعدیل ایتیه جکنه واساساً ریاستک قرارندن مقصد قانونی اوراق مودوعه نک محکمه یه شایان تودیع اولوب اولمادیغنتک تقدیرینه معطوف اولسنه نظراً سلب وظیفه یولنده قرار اتخاذ اولمشی مفایر قانون اولدیغنه متعلق درمیان اولنان اعتراض وارد کورولدیکندن بالبحث نقضاً محله اعاده قلمسی اوزرینه اجرا قلنان تدقیقات ومحاكمه اخیره نتیجه سنده «جزا قانونک یوز یکریمی دردنجی ماده سی مطلق ایسه ده موقع مرعیته وضعه متعلق قانونک قرقنجی ماده سنده تشکیلات و اصول محاکمات جزائی قانولریله سائر قانونلرک بوکا مخالف احکامی ملغا بولندینی تصریح قلمسنه واشبو عبارتنک سائر قانونلر دییه مطلق اوله رق ذکر ایدلدیکنه نظراً جزا قانونک دخی بوکا مخالف احکامک ملغا اوله جنی درکار بولمسنه ومدلل ادعا نامه ایله برلکده منسوب اولدینی محکمه ریاسته ویریلهرک ریاستجه

ایجاب ایدن قرار اتخاذ اولنور» عبارده سندن اوراق مودوعه نك محكمه به شایان تودیع اولوب اولمادیفنك تقدیری معاسنی مفهم اوله میه جغه و عباره مذ کوره مخاطبه معنای مذ کوری تلقین ایده میه جگنه و ذاتاً مدعی عمومیلکک بالجله نواقصی اکلدن صکره اوراقی تودیع اتمسی حقنده کی اصول محاکات جزائیة قانونك موادی باقی اولدیغه کوره محكمه به سوقی حقنده مقام ریاستجه آریجه قرار اتخاذینه بر لزوم قانونی اوله میه جغه وینه مبحوث اوتوز سکنزنجی ماده نك صوك فقره سنده کی «ریاستجه ایجاب ایدن قرار اتخاذ اولنور» دنیلد کدن صکره «بوقراری تعقیب ایده جك اصول و معاملات کما کان جاری و مرعیدره» دنیلمسنه نظراً ریاستك قراری، قرار قطعی اولدینی و ریاستك قرارندن صکره محكمه به سوق ایله محاکمه اجرا اولنه جغه دائر بر معنا مفهم اولمامله برابر بالعکس بو قراری تعقیب ایده جك اصول و معاملاتك کما کان جاری اوله جغنی مصرح اولمسنه بناءً قرارندن صکره اصول محاکات جزائیة احکامی جریان ایده جکی منههم اولدیغه نظراً نقض واقع لازم الاتباع کوریله مدیکندن اصراره قرار ویرلدیکنی ناطقده .

تمیز استدعا نامه سنده : اسباب نقضیه وارد و لازم الاتباع ایکن اصراره قرار ویرلمسند اصابت کوریله مدیکندن و تبلیغنامه دهخی نقض واقع وارد و لازم الاتباع ایکن اصرار قراری اعطاسی مغایر قانون و درمیان اولنان اعتراض بو طریقه بجا بولندیفندن بالبحث حکم اخیر میز بهك جزا هیئت عمومیه سنجه بالتدقیق نقضی طلب ایدلمشدر .

تدقیقات تمیزی به لای الاجرا : تورك جزا قانونك مرعیته متعلق قانونك اوتوز سکنزنجی ماده سنك صراحتیه و قانون مذ کورك مؤخر اولمسنه نظراً اصرار قراری اصول و قانونه موافق بولمش اولمامله غیر وارد اولان تمیز استدعا نامه سیله تبلیغنامه مندرجاتلری نك ردیله حکم اخیر میز بهك تصدیقه ۲۱ شباط ۹۲۸ تاریخنده اکثریتله قرار ویرلدی .

محکمہ تمیز برنجی حقوق دأرہ سنده :

مذکورہ : ممالک اجنبیہ دن کتیرین پنجره جاملرندن خلاف قانون آنان فضلہ مبالغہ استردادی دعوالری کمرک قانونه مذیل قانونه توفیقاً رسومات اداره سنده مأمورین متخصصدن متشکل بر هیئت

طرفندن صورت قطعیه ده حل وفصل اولنسی ایجاب ایتسه و بو کبی دعاونک تدقیق ورؤتی محاکم نظامیه نك وظیفه سی خارجنده بولنسه مینی بوکا مخالف اوله رق حکم اعطاسی بولمز ومستلزم نقضدر .

غاطله ده پنجشنبه بازارنده ۶۹ نومرولو مغازمه مقیم تجارندن موئیز جیب افتدینک ممالک اجنیه دن کتیردیکی پنجره جاملرینک هر یوز کیلوسنده خلاف قانون التمش غروشدن آلان اوجیوز اوتوز الی لیرانک رسومات مدیرتندن استرادی طلبیه اقامه ایلدیکی دعوانک جریان ایدن محاکمه سنده مذکور جاملرک عادی پنجره جاملرینک قالین جنسندن اولدینی وقیریستال وصرلانماش آینه و مغازه جامی نوعندن اولمادینی اهل وقوراپوریله بیلدیرلمسه ومدعی علیه وکیلی طرفندن کمرک قانوننه مذیل ۸ نیشان ۳۳۴ تاریخلی قانون موجبجه دعوانک رؤتی وظیفه خارجنده اولدینی درمیان ایدلمکده ايسه ده قانون مذکور بوقیل اختلافات ایچون طریق مدافعه دن آری بر طریق اداری بخش ایدرک بالجمله دعاوی ومواد نظامیه یی محاکمک رؤتی حقنده صلاحیتی سلب ایده جک مزایای جامع کوریه مامسنه وبرهی قانونیده موجود ووظیفه خصوصنده کی اعتراضات وارد اولماسنه بناء مدعا به اوجیوز اوتوز الی لیرانک مدعی علیه رسومات دائره سندن بالتحصیل مدعی به اعطاسنه دائر استانبول محکمه اصلیه دردنجی حقوق دائره سندن اعطا قنان ۷ تموز ۹۲۷ تاریخلی و ۲۲۲ نومرولو اعلامک تمیزاً تدقیق اصولی دائره سنده رسومات مدیریتی وکیلی طرفندن طلب واستدعا اولنغله مذکور اعلام اوراق تمیزیه وحکمییه ايله معاً تدقیق ومطالعه وایجاب کیفیت مذاکره اولندقد ه کمرک قانوننک تطبیقانتدن متولد اولوب قانون مذکور مذیل قانونده مصرح اولدینی اوزره بوقیل اختلافاتک مأمورین متخصصه دن متشکل بر هیئت طرفندن صورت قطعیه ده حل وفصلی ایجاب ایتسه ومدعی علیه طرفندن بوبابده هیئت مذکورده دن معطی بر قرار صورتی ابراز اولنسه نظراً دعاوی واقعه نك تدقیق ورؤتی محکمه نك وظیفه سی خارجنده ایکن بالقبول بوجه محرر قرار ویرلمسی مخالف قانون اولدیغندن حقوق اصول محاکمه لری قانوننک ۴۲۸ نجی ماده سی موجبجه حکم میزبه ک نقضه ومقتضای قانونیسی ایفا اولنق اوزره اوراقک اطاده سه ۲۱ تشرین ثانی ۹۲۷ تاریخنده متفقاً قرار ویرلدی .

حکمة تمیز برنجی حقوق دائره سنده :

مقدمه : شهر امانتجه بر عرصه دن طریقه قلب ایدلک اوزره استملاک ایدیان قسمک فیثاقی مجموع عرصه ایچون تقدیر اولنان قیمت اوزرندن بالحساب طوتارینک حکم ایدلسی مقتضی ایکن بوکا مخالف اولارق قرار ویرلسی یولسز ومستلزم نقضدر.

استانبولده جراح پاشاده مدرسه سواقانده ۲۱ نومرولو خانه ده اقامت ایدن خدیجه کوهر ووصفیه خانملرک عهدۀ تصرفلرنده بولنان درت یوزاون اوچ متره مربیی عرصه نك طریقه قلب ایدلک اوزره استملاک ایدیان ایکی یوز قرق درت متره مربیی محلك بهر متره مربیغه تقدیر اولنان ایکی یوز غروش دون اولمغله برابر استملاک ایدلمه ن قسم ده غیر قابل انتفاع بولندیغندن بالبحث بهر ذراع مربیی بدل استملاکنک سکر لیرایه ابلاغی و شهر امانتنک مذکور عرصه نی کاملاً استملاک مجبور طوتلسی طلیله اقامه ایلدکلی دعوانک اجرا قلنان محاکمه سنده استملاک ایدلمه ن ۱۶۹ متره مربیی محلك قابل انتفاع اولمادیفی اهل وقوف راپوری واستملاک ایدیلن ۲۴۴ متره مربیی محلك بهر متره مربیك بش لیرا دکرنده بولندیفی حکم مضبطه سی محتویاتی ایله تحقق ایلدیکی جهته مارالذکر یوز آلتش دو قوز متره مربیی محلی استملاک امانت مذکور نك مجبور طوتلسنه وحکم مضبطه سنک ایکی یوز قرق درت متره مربیغه و بیك ایکی یوز لیرایه معطوف اولمق اوزره تصدیق وتسجیلنه وزیاده طلبنک ردینه دائر استانبول محکمة اصلیه دردیجی حقوق دائره . سندن صادر اولان ۲۵ حزران ۹۲۷ تاریخ ۲۰۳ نومرولو اعلامک تمیزاً تدقیق امانت مشارالیها وکیلی طرفندن اصولی دائره سنده طلب اولمغله اعلام مذکور اوراق تمیزیه وحکمیه بعدالمطالعه ایجاب کیفیت مذاکره اولندقده اعتراضات تمیزیه استملاک قانوننک اون برنجی ماده سنه نظراً غیر وارد ایهده حکملر طرفندن ویریلن مضبطه ده مذکور عرصه قابل انتفاع اولمیان قسمی ایله تمامی استملاک ایلدیکی تقدیرده بهر متره مربیك قیمتی درت لیرا اولدیغی بیان ایدلسنه و اهل وقوف راپورلرنده متباقی یوز آلتش طقوز متره مربیك غیر قابل انتفاع اولدیغی بیان اولنسنه منی بقیه مذکور نك ده استملاک نه شهر امانتی مجبور طوتلسنه نظراً استملاک ایدیلن قسمک مجموع عرصه ایچون تقدیر اولنان قیمت اوزرندن بالحساب طوتارینک حکم ایدلسی مقتضی ایکن متره

مربی بش لیرا اوزرندن حساب ایدیلرک بروجه محرر اتخاذ قرار اولنسی مخالف قانون اولدیغندن حقوق اصول محاکمهلری قانونک ۴۲۸ نجی مادهسی موجبجه حکم یمیز بهک اشبو سیدن دولای ققضنه و مقننساسی ایفا اولنقی اوزره اوراقل محله اعاده سنه ۳۱ تشرین اول ۹۲۷ تاریخنده متفقاً قرار ویرلدی.

۸۶۵۰
۷۷۰۴

موضوع: ۱ — بر شرکت نظامنامه داخلینک ماده مخصوصه سنده مجلس اداره نک رئیس کرک مدعی و کرک مدعی علیه صقیله بالذات ویا بالوکاله شرکت نامه سرافهمده بولنه چی ذکر ایدیلرکی و ماده ده رئیس اول ویا ثانی قیدی موجود اولادیغه نظرأ مطلق اوله رق رئیس تبیری رئیس ثانی ده شامل ایکن بو شمولک نظر دفته آلتامسی :

۲ — مدعی علیه مدعی به تبلیغ ایتدیکی پروستو جوابنده بو خصوصه کندیسنه خصومت توجه اخیجه ککنه دائر برکونا اعتراضده بولنامسی وجوابنامه زیرینی شرکته اضافتله و مجلس اداره رئیس ثانی صقیله امضا ایتسی و علی الخصوص اساس مقاوله نامه یی معدل دیگر بر مقاوله یی امضا ایتسی کی اسباب ایله خصومت توجه ایدمچی درکار ایکن بونقطه لکه ده اهل ایدلسی مغایر قانون اولوب نقضی مستلزمدر.

خزینة مالیه وکیلی رأفت بک طرفدن بکقوز جوارنده واقع املاک ملیه دن آبراهام پاشا قوریسی نامیله معلوم الحدود و المواقیع بارق و مشتملاتی سنوی یدی بیک بشیوز لیرا اجرت و ۳۳۹ سنه یی ایچون بیک بشیوز و ۳۴۰ سنه یی ایچون ایکی بیک بشیوز و متباقی سنه لر ایچون درت بیک بشیوز لیرا حصه انتفاع تأدیه ایدمک شرطیله ۱ تشرین ثانی ۳۳۸ تاریخندن اعتبارأ یکریمی سنه مدتله بوظای ایچی بارق آنونیم شرکتی نامه شرکت مذکوره رئیس و رئیس ثانیسی رشید عیاض و صوفی رضا بکله ایجار ایدلمش ایسه ده ۱ تشرین ثانی ۳۳۹ تاریخندن غایه تشرین اول ۹۲۶ تاریخنه قدر بدل ایجاردن یکریمی ایکی بیک بشیوز و حصه انتفاعدن اون بر بیک بشیوز که جمعاً اوتوز درت بیک لیرا تأدیه دن امتناع اولنقی و مأجور دروننده بر موجب مقاوله اجرامی در عهده اولنان انشآت اجرا اولونماق صورتیله خلاف مقاوله حرکته بولنش اولدیغندن عقدک فسخیله مأجورک بالتخلیه خزینة یه تسلیمی حقنده اقامه اولنان دعوانک رشید عیاض بک و جاهدنه و رضا بک

غایبند اجرا قلان محاکمہ سی نتیجہ سندہ میرز شرکت نظامنامہ سنک ۲۶ نجی مادہ سنک صوک فقرہ سندہ مجلس ادارہ رئیس کرک مدعی و کرک مدعی علیہ صفتیلہ محاکمہ بالذات ویا بالوکالہ شرکت نامہ مراجعہ دہ بولنور دیہ محرراولوب رئیس ٹاینک ویا وکیلک محاکمہ شرکتی تمثیل ایدہ جکنہ دائر بر قید موجود اولمدیفندن وبالنتیجہ مدعی علیہمایہ توجیہ خصوصتہ امکان قانونی کوریلمدیکندن دعوائی مقامہ نک ردینہ دائر استانبول محکمہ اصلہ دردنجی حقوق دائرہ سندن اعطا قلان ۲۶ تشرین ثانی ۹۲۶ تاریخلی و ۴۹۸ نومرولی اعلامک تمیزاً تدقیقی اصولی دائرہ سندہ خزینہ مشارالہا وکیلی طرفندن طلب واستدعا اولمغلہ مذکور اعلام اوراق تمیزیہ و حکمیہ ایلہ معاً تدقیق ومطالعہ و ایجاب کیفیت مذاکرہ اولندقدہ : اثنای محاکمہ دہ ابراز ایدیلن شرکت نظامنامہ داخلینک ۲۶ نجی مادہ سندہ مجلس ادارہ نک رئیس کرک مدعی و کرک مدعی علیہ صفتیلہ محاکمہ بالذات ویا بالوکالہ شرکت نامہ مراجعہ دہ بولنہ جفی ذکر ایدلمسنہ ومذکور مادہ دہ رئیس اول ویا ثانی قیدی موجود اولمامسنہ نظراً مطلق رئیس تعبیری رئیس ثانی دہ شامل ایکن محکمہ جہ بو شمولک نظر دقتہ آلتامسی مخالف قانون اولدینی کبی مدعی علیہ رشیدبک طرفندن مدعی خزینہ مالینک تبلیغ استدیکی پروتستویہ یازیلان جوابنامہ دہ بوخصوصہ کندینسہ خصوصت توجہ ایتیمہ جکنہ دائر بر کونا اعتراضدہ بولنامش وجوابنامہ زیرینی سالف الذکر شرکتہ اضافلہ ومجلس ادارہ رئیس ثانیسی صفتیلہ امضا ایش وعلی الخصوص مذکور پارق حقندہ اساس مقالہ نامہ بی معدل مقالہ بی مذکور پارق آنونیم شرکتی نامہ مومی الیہ رشید عیاض بک ایلہ صونی رضا بک عقد وامضا ایش اولمالرینہ کورہ اشبو سبیلردن دولای دہ مومی الیہمایہ خصوصت توجہ ایدہ جکی درکار بولنش ایکن محکمہ جہ بو نقطہ لر دخی اہمال ایدیلہ رک وجہ محرراوزرہ حکم اعطا ایدلمسی مغایر قانون اولدیفندن حقوق اصول محاکمہ لری قانونک ۴۲۸ نجی مادہ سی موجبہ حکم میز بہک اسباب مذکورہ دن دولای نقضہ ومقتضای قانونیسی ایفا اولنق اوزرہ اوراقک محلہ اعادہ سنہ ۲۶ کانون اول ۹۲۷ تاریخندہ متفقاً قرار ویرلدی .

محکمہ نمینز برنجی حقوق دارہ سندھ:

عدد ۹۵ ۱۴۸۰

اساس ۷۱۶۲

قرار ۹۵

موضوع: مدعی طرفندن طلب اولنان بر قسم مدعاہ حقندہ مدعی علیہدن دیہجکی صورولقیزن اوقسم مبلغ حقندہ مدع محکوم ایدلسی یولیز ومقابر قانون اولدیفندن نقضی مستلزمدر .

غلطلہ ماریم خانندہ اون بش نومروده مقیم علی نہاد بکک استانبول لیمان ایشلری تورک آنونیم شرکتی ایله بینندہ منعقدہ مقالولہ نامہ موجبنجہ تحت تصرفندہ بولنان عصمت واپوریلہ قاپوطاغی موتوری وناہید نام موتورسز کیلرینی قوری چشمہ ایله حیدر پاشایہ قدر اولان مسافہ داخلندہ واپورلرہ صو ویرمک ومراکب مذکورہ مرتباتک بالجلہ معاشات ومصارفاتی کندوسنہ عائد اولمق وھراون بش کوندہ بر استحقاقی طرفنہ تأدیہ اولمق اوزرہ مقطوعاً اوچ بیک وحیدر پاشا ایله قوری چشمہ خارچندہ ہر سفرایمون بدی لیرا اجرت مقطوعہ مقابلندہ شرکت مذکورہ بہ ابحار و ۵ کانون اول ۳۴۱ تاریخندہ ایشہ مباشرت ایدرک بالجلہ تعہداتی ایفا ایتمش وبالعموم مراکبی شرکت مذکورہ امرندہ بولندیرمش اولدینی حالہ ایفا ایدلیمان مطلوبات واستحقاقی ۴ مارت ۹۲۶ تاریخندہ قدر تسویہ ایدلمدیکی تقدیردہ مقالولہ بی مفسوخ عد ایدہجکفی ۲ مارت ۱۹۲۶ تاریخندہ باپروتستو اخطار ایله مطلوباتی استیفا ایدہمہمش اولمسندن ناشی مارتک آلتنجی کونی مراکب مذکورہ بی شرکت خدمتندن چکمش اولدیفندن اوچ آی دوام ایدن مدت ابحار ظرفندہ کی طقوز بیک لیرا استحقاقندن تعمیر طولایسیلہ ایک کون چالیشہ میان عصمت واپوری ایمون سکسان لیرا بالتزیریل متباقی سکز بیک ایکوز طقسان لیراسنک قوری چشمہ خارچندہ اجرا ایدیلان سکز سفرك یدیشردن الی آلتی وصو توزیع سفینہ سنک بر آی اشغال واستعمال ایدلیکی یازمخاندہ کی تلفون اجرتی اولان قرق بش لیرانک بالغ اولدینی طقوز بیک یکرمی لیرادن توارخ مختلفہدہ استیفا ایدلمش اولان بش بیک آلتی یوز الی لیرا بعد التزیریل متباقی اوچ بیک اوچ یوزیتمش بر لیرانک مع فائض تحصیلی ومقالولہ نک فسخی خصوصنک تحت حکمہ آلتمی طلیلہ مومی الیہ علی نہاد بک طرفندن لیمان ایشلری شرکتی علیہنہ اقامہ اولتمش اولان دعوانک اجرا قلنان محاکمہ سی نتیجہ سندہ

مدعینک ایجار ایلدیکی سفینه لک شرکت احتیاجاتی تامین ایتدیکی طرفینک ادعا و مدافعاندن آکلاشله سنه مبنی عقدک فسخه و مدعی شرکتک صو متعهدی اولوب بلکده حادثه ده سفینه ایجاری کیفیتی عقده حاکم اولسنه مبنی حین فسخه قدر مدعینک بدل ایجار طلبنه صلاحیتی بولندیغه و بوندن طلب اولنان مقدار مبلغ حقه مدعی علیهک هیچ بر اعتراضی بولنامسنه مبنی مدعا به اوچ بیک اوچوز یتیش بر لیرانک مع فائض مدعی علیه شرکتدن تحصیلنه دائر اولان اعلامک تمیزاً لدی التدقیق طرفینک تحت امضا و تصادقده بولونان مبرز وثیقه بر مقاوله نامه دن عبارت اولوب اشبو مقاوله نامه نك مواد عیدیه سنده مدعینک یومی اوچ یوز الی و ماهیه اون بیک طون صو نغنه مجبوری تصریح ایدیش اولسنه و مدعی علیه شرکت و کیلی دخی مدعینک بو یوله کی تعهدینی تمامیه ایفا ایتدیکیکی بیان و بو خصوصه دعوای متقابلهری اولدیغنی علاوه درمیان ایتسنه نظراً اقامه ایلدیکی بیان اولنان دعوانک ماهیتی تدقیق اولنهرق فی الحقیقه حادثیه تعلقی کورلیدیکی تقدیرده توحیداً رؤیتی ایجابات قانونیه دن ایکن بوجهتک تأمل ایدلمه سی و مدعی علیه و کینک تعهدک عدم ایفاسنه دائر اولان بیاناتی اوزرینه بو باده تدقیقات ایفاسی مقتضی بولندیغنی حالده محکمه جه وثیقه مذ کوره نك تعهدنامه عدادندن چیقاریله رق حادثه ده سفینه ایجاری کیفیتک حاکم اولدیغندن بخله بر منوال محرر اتخاذ قرار اولنسی مخالف قانون اولدیغندن طولانی متفقاً اطاده قلمسی اوزرینه اجرا قلنان محاکمه نتیجه سنده مقدا اتخاذ اولنان قرار اسباب موجب قانونیه مستند اولدیغنی کی قرارک زمان اتخاذده بدست رؤیت بر دعوانک عدم وجودی دخی اخیراً اوچنجی تجارت محکمه سنک تذکره جوابیه سیله ده مؤید بولدیغندن بالبحث حکم منقوض سابقده اصراره متدائر استانبول محکمه اصلیه سی برنجی تجارت دائره سندن صادر اولان ۲۸ مارت ۹۲۷ تاریخ و یوز اتوز عددلی اعلامک تمیزاً تدقیق شرکت مذ کوره و کیلی طرفندن طلب اولنقدن ناشی محکمه تمیزیه ت عمومی سنجه اجرا قلنان تدقیقات تمیزیه نتیجه سنده بعدالقبض جریان ایدن محاکمه مدعی علیه طرفندن اوچنجی تجارت محکمه سنده اقامه اولندیغنی ادعا اولنان دعوانک ماهیت و تاریخ اقامه سنک استعلامنه قرار ویرلمک صورتیله نقض قرارینه فعلاً اتباع ایدیش اولسنه مبنی اوراقک دائره خصوصیه تودیعنه قرار ویرلش اولدیغندن مذکور اعلام اوراق حکمیه و تمیزیه ایلهمعاً بالمطالع ایجاب کیفیت مذاکره اولندقدمه مقاوله نامه نك اون برنجی ماده سنده متعهد

مقاوله نامه ده کی تعهدات واحکامه رعایت ایتدیکی تقدیرده شرکت هیچ برکونا اخطاره حاجت قالدان مقاوله بی فسخ ایتک و یامدت مقاوله نهایته قدر مرا بک ایشلمته مصرفی متعهد نامه درعهده ایدرک امانه ایشلمتک شقلرندن بریسی اختیارده سربست اولدینی محرر بولندیغه کوره شرکت متعهدک احکام مقاوله به رعایتسزلکنی کوردیکی صورتده بو ایکی شقندن بریسی اختیار ایتسی اقتضا ایدرکن صورت جریان محاکمه دن منفهم اولدیغه نظراً بو حقارینی استعمال ایتماش و بو اعتبارله بو بایده کی دفعک عدم تدقیقی اساس حکمه غیر مؤثر بولنش اولدینی کبی حکم منقوضک صدورنده و دیگر محکمه دن بو ماده به متفرع اقامه ایدلش بر دعوی بولنایوب بعد الحکم اقامه اولدینی آکلاشیلان ضرر و زیان دعواسی ایسه دعوای حاضره مک انتاجی مانع ماهیتده اولماسنه مبنی بو نقطه لره معطوف تمیزاً سرد ایدیلن اعتراضات وارد دکلسمده مدعی طرفندن تلفون اجرتی اوله رق طلب اولنان قرق بش لیرا حقیقه مدعی علیهدن دیه جکی صورملقسزین اشبو مبلغ ایله ده مدعی علیک محکوم ایدلسی یولسز و مغایر قانون اولدیغندن حقوق اصول محاکم لری قانونک درتیوز یکریمی سکرنجی ماده سی موجبجه حکم بمیزهک اشبو سبیدن طولانی نقضه و کیفیتک نقض واقع دائره سنده مقتضاسی ایفا ایدمک اوزره اوراقک محله اعاده سینه و بوجه زیر مصارف تمیزیه مک ایلروده حقسز حقیقه حق طرفه هائیده ۱۰ کانون ثانی ۹۲۸ تاریخنده متفقاً قرار ویرلدی.

اساس ۹۸۴۸

قرار ۷۳۹۴

موضوع: بر دعواده مابه الاستناد اولان پولیجه مدعی علیه طرفندن قبول ایدلدیکی و تاریخ دعوا و وعده منقضی اولدینی تقدیرده حامل پروتستو کشیده ایتهمش اولسه بیه پولیجه قبول ایدن مخاطبدن مدیون اصیل صفتیه پولیجه مک حاوی اولدینی مبلغی دعوایه صلاحیتی واردر. بوکا مخالف اوله رق اتخاذ اولنان حکم یولسز و مستلزم نقضدر.

مانچسترده اونیون بانق لیمتید بائقه سنک اوچیوز طقسان بش انکلز لیراسی و درت شیلینک تحصیله دائر استانبولده سلطان حمامنده واقع کندروس خاندن قرق درت

نومرولو مغازه ده مقیم طائیوس مندیکیان و مخدومی شرکتی علیه اقامه ایتمش اولدینی
 دعوایک اجرا قلنان محاکمه سی نتیجه سنده دعوای مذکورنک مرور زمان نقطه سندن
 عدم مسموعیته دائر استانبول محکمه اصلیه برنجی تجارت دائره سندن صادر اولان
 ۲۱ حزران ۳۴۱ تاریخلو و ۲۶۱ نومرولو حکمک تصدیقی قرارینی حاوی اعطا قلنان
 ۳ شباط ۹۲۷ تاریخلی و ۱۳۱ نومرو تمیز اعلامنک تصحیحاً تدقیقی مذکور بانقه و کلی
 طرفندن طلب واستدعا اولمغله اوراق حکمیه و تمیزیه ایله تدقیق و مطالعه و ابجابی مذاکره
 اولندوقده مستدعی تمیز طرفندن اولجه و بریلان تصحیح قرار استدعاسی مومی الیهک
 مقدما و ردیکی تمیز استدعاسنک نقصانی شرائطدن طولانی ردینه دائر صدور ایدن تمیز
 قرارینه عائد اولوب ایکنجی تصحیح قرار استدعاسی ایسه مومی الیه حقنده مدت تمیز
 جریان ایتمدیکی جهتله شرائطنک بالا کمال یکیدن و ردیکی تمیز استدعاسی اوزربنه اساس
 حکمک بالتدقیق تصدیقنه متدائر صادر اولان قرار تمیزییه عائد اولمسنه مبنی بر تمیز
 قرارینک ایکی دفعه تصحیحی استدعا اولنه میه جغه دائر لایحه جوابیه ده سرد ایدیلان
 اعتراض غیر وارد اولدینی کی مصحح علیه طائیوس مندیکیان و مخدوملری شرکتک
 تصحیح قرار استدعاسنه قارشو و ردکلری مذکور لایحه جوابیه ده مدعی تبعه اجنبیه دن
 اولدینی حالد قانون مخصوصی موجبجه تأمینات آلمدیغندن بحثله استدعای مذکورک
 تدقیق ایدیه میه جگنی افاده ایتمش ایسه لرده مصحح علیه شرکتک و ردیکی اشبو
 لایحه جوابیه متقابلاً تصحیح قرار طلبنی حاوی اولمادینی و تصحیحاً سرد ایدیلان
 بر خصوصک تدقیقنه مساع قانونی بولمادیکی جهتله بوجهته معطوف اعتراض دخی
 وارد اولمادیغندن اعتراضات مذکورنک ردینه متفقاً قرار ویرلدکن صوکره
 تدقیقات لازمه بالاجرا دعوایک مستد الیهی اولان پولیچه مدعی علیه طرفندن
 قبول ایدلمش و تاریخ دعواده و عده سی منقضى اولمش اولمسنه و حاملک پروتستو کشیده
 ایتمش اولسه بیه پولیچه نی قبول ایدن مخاطبدن مدیون اصل صفتیه پولیچه نک حاوی
 اولدینی مبلغی دعوایه صلاحیتی اولمسنه و محکمه اصلیه جه تطبیق ایدیلان لوزان معاهده
 نامه سنک سکسانجی ماده سنک حادثیه شمولى اولماسنه مبنی بوسیددن طولانی حکم
 میزبهنک نقضی لازم کلیرکن دائره جه اشبو سبب نقض نظر دوقته آلمیه رق حکم مذکورک
 تصدیقنه قرار ویرلمش و بناء علیه تصحیح قرار استدعاسی بوعتبارله وارد و سبب قانونیه

مستند بولنش اولديغندن استدعاى مذ كورك قبوليله قرار مصحح بهك رفعنه وديپوزيتو آچمه سىك مستدعى تصحيحه اعاده سىنه و بوجه بالا ذكر ايديلان سبيدن طولايى حقوق اصول محاكمه لرى قانونىك درتيوز يكرمى سىكزنجهى ماده سى موجبنجه حكم مذ كورك نقضه ۱۲ كانون ثانى ۹۲۷ تاريخنده متفقاً قرار ويرلدى.

حكمه تميز برنجى حقوق دائره سنده :

عدد ۷۲۹۱

۶۳۲۹
۵۶۶۳

موضوع: پروستورك مبرز سندله عائد اولاديني فقره حكميده قبول ويان ايدلش ايكن بو پروستورك تاريخندن اعتباراً فائض نظامى يوريدلى مخالف قانون اولوب نقضى مستلزمدر.

سر كه جیده قفقاس خاننده ۹ نومروده مقيم تجاردين عجم زاده اسماعيل حقى افنديك بطريق الحواله مديون بولندينى درت يوز ليرانك مومى اليهين تحصيليله دو بجه باقعه اعطاسنه دائر صادر اولان حكم غايينك عند الاعتراض تصديقي حقنده استانبول محكمه اصليه برنجى تجارت دائره سندن اعطا قلنان ۱۹ نيسان ۹۲۷ تاريخلى و ۲۰۰ نومرولى اعلام تميزاً تدقيقى اصولنه توفيقاً مومى اليه اسماعيل حقى افندى طرفندن استدعا قلنمقله اعلام مذ كور اوراق تميزيه و حكميه ايله تدقيق ومطالعه و ايجاب كيفيت مذا كره اولندقدنه طرفينك صورت افاده لرندن ومبرز ۱ تموز ۹۲۷ تاريخلى مکتوب مندرجاتندن مفهم اولدينى اوزره مبرز ايكي قطعه سندك حاوى اولدينى درت يوز ليرا دو بجه باقك يوسف افندى ذمتنده آلاجنى ايكن دين مذ كور يوسف افندى طرفندن اسماعيل حقى افندى اوزرينه مومى اليه اسماعيل حقى افندى و دو بجه باقك قبوللرينه مقارن اوله رق حواله ايدلش و بناء عليه اسماعيل حقى افندى بطريق الحواله باقعه قارشى مديون صفتنى اكتساب ايلش اولمى سىنه نظراً اعتراضات تميزيه غير وارد اولديغندن رديله اصول محاكمه حقوقيه قانونىك ۲۴۲ نجى ماده سىك فقره اخيره سى موجبنجه حكم ميز بهك درت يوز ليرا ايله اجرت وكالك تحصيلنه دائر اولان قسمىك تصديقه و بو قسمه مصيب مصارف تميزيه نك

مستدعی تمیزدن اخذینه آنحق پروتستورک مبرز سندلره عائد اولمادینی فقره حکمیهده قبول و بیان ایدلمش ایکن بو پروتستورک تاریخندن اعتباراً قائل نظر ایدی یوردلمسینه نظراً حکم غیابینک تصدیق ایدلمسی مخالف قانون اولدیغندن قانون مذکورک ۲۴۱نجی مادهسی حکمنه توفیقاً حکم مذکورک فائضه متعلق بولان قسمنک اشبو سیددن دولای نفقسنه و مقتضای قانونیسی ایفا ایدلمک اوزره اوراقلک محله اطادهسنه و بوجه زیر مصارف تمیزیه نیک آتیا حقسنز جقه حق طرفه عائدیتنه ۱۳ ایلول ۹۲۷ تاریخنده متفقاً قرار ویرلدی.

Bibliographie

کتابلر

قاداسترو نه ایدی ندر، نه اولاجقدر عنوانی تحتنده طابو قاداسترو هیئت فیه مدیری مهندس خالد ضیا بک افندی طرفندن اخیراً ساحه انتشاره وضع ایدیلان اثرک برنسخهسی المزه کچدی. قاداسترو حقنده ملکتمزده نظریات و تطبیقاتده کی ممارسه و اختصاصیه طانیلمش بر شخصیت اولان مومی الیه ضیا بک افندی قاداسترونک منشأ نه و قاداسترو حقنده کی عمومی تدقیقات و تبعاتنه دائر برچوق متنوع معلوماتی و قانون مدنی ایله تورکیه ده کی سجل املاک و فوطوغرامتری و تورکیه قاداستروسنک نه صورته یاپیلمسی لازم کله جکی حقنده مفید مطالعاتی و مومی الیهک اوروپاده کی تدقیقاتنک نتایجنده مالیه و کالته تقدیم ابتدیی قاداسترو قانونی، تقدیر قیمت، اصلاح اراضی قانون لایحه صورتلرینی احتوا ایدن و اوروپاده جاری اصوللری اراؤه و ایضاح الیهین اشبو اثر قیمتداری قارئلریزه توصیه ایدر و مؤلف محترمی صمیمتله تبریک ایدرز.

استانبول اجرا رئیس محترمی احمد رفیق بک افندی طرفندن اعلامسز اجرا اصولی قانونی شرحی عنوانی تحتنده اخیراً نشر ایدیلان اثر قیمتدار قانون مذکورک صور تطبیقیهسی حقنده غایت مفید معلومات و ایضاحاتی حاوی اولدینی جهتله بالعموم حقوق متسببنه و خاصه اجرا رؤسا و مأمورلرینه توصیه ایدرز.